

গণপ্রজাতন্ত্রী বাংলাদেশ সরকার
স্থানীয় সরকার প্রকৌশল অধিদপ্তর
আগারগাঁও, শেরে বাংলা নগর
ঢাকা-১২০৭।
www.lged.gov.bd



শেখ হাসিনার মূলনীতি
গ্রাম শহরের উন্নতি

স্মারক নং-৪৬.০২.০০০০.০০১.৯৯.০০৩.২০- ১৪৬১

তারিখঃ ০৭.০৩.২০২১ খ্রীঃ

বিষয়ঃ মুজিববর্ষ উপলক্ষ্যে এলজিইডিতে গঠিত বঙ্গবন্ধুর জন্মশতবার্ষিকী উদযাপন প্রস্তুতি কমিটির সভার কার্যবিবরণী।

প্রধান অতিথিঃ জনাব মোঃ আব্দুর রশীদ খান
প্রধান প্রকৌশলী, এলজিইডি।

সভাপতি : জনাব মোঃ আহসান হাবিব
অতিরিক্ত প্রধান প্রকৌশলী
(আইসিটি ও প্রকিউরমেন্ট)
এলজিইডি, সদর দপ্তর, ঢাকা।

সভার স্থান : সেমিনার কক্ষ, (লেভেল-৪), এলজিইডি ভবন, আগারগাঁও, শেরে বাংলা নগর, ঢাকা।

সভার তারিখঃ ১৫-০২-২০২১খ্রিঃ

সভার সময়ঃ বিকাল ৪.০০ টা।

সভা নং -০৫

সভায় উপস্থিত সদস্যবৃন্দঃ (সংযুক্তি-১)।

প্রধান প্রকৌশলী মহোদয়ের উপস্থিতিতে সভার শুরুতে সভাপতি মোঃ আহসান হাবিব উপস্থিত সকল সদস্যকে স্বাগত জানিয়ে সভার কাজ শুরু করেন। সভায় বঙ্গবন্ধুর জন্মশতবার্ষিকী উদযাপন উপলক্ষ্যে মুজিববর্ষে এলজিইডির গৃহীত কার্যক্রমের অগ্রগতি পাওয়ার পয়েন্ট এর মাধ্যমে উপস্থাপনা করা হয়। অতঃপর অগ্রগতি পর্যালোচনা ও ভবিষ্যৎ পরিকল্পনার বিষয়ে নিম্নবর্ণিত সিদ্ধান্তসমূহ গৃহীত হয়।

আলোচনা ও সিদ্ধান্তঃ

| ক্রঃ নং | বিষয় | আলোচনা | সিদ্ধান্ত | দায়িত্ব |
|---------|---|---|--|--------------------------|
| ১ | জাতির পিতার জন্মশত বার্ষিকীতে এলজিইডি'র সদর দপ্তর ও মাঠ পর্যায়ে অনুষ্ঠান আয়োজন। | ২০২০ সালের ১৭ মার্চ বঙ্গবন্ধুর জন্মশতবার্ষিকী ও মুজিববর্ষের শুরুতে এলজিইডি সদর দপ্তরসহ মাঠ পর্যায়ে অনুষ্ঠিত বিভিন্ন অনুষ্ঠানের বিষয়ে বিস্তারিত আলোচনা হয়। আলোচনায় সেসব কার্যক্রম বাস্তবায়নের জন্য নির্ধারিত ছিল তা সঠিকভাবে সম্পন্ন করায় সংশ্লিষ্ট সকলকে ধন্যবাদ জানানো হয়। কার্যক্রমের মধ্যে রয়েছে ১। এলজিইডি সদর দপ্তর ভবন এবং সারাদেশে মাঠ পর্যায়ের দপ্তরসমূহ বঙ্গবন্ধুর বাণী সম্বলিত ড্রপ-ডাউন ব্যানার, ফেস্টুন দিয়ে সাজানো এবং রাতে আলোক সজ্জা। ২। জন্মশতবার্ষিকীর সকালে এলজিইডি সদর দপ্তরে বঙ্গবন্ধুর প্রতিকৃতিতে পুষ্পার্ঘ্য অর্পণ। ৩। এলজিইডি সদর দপ্তরে বঙ্গবন্ধুকে স্মরণ স্থাপন। ৪। বঙ্গবন্ধুর জীবনী নিয়ে আলোচনা সভা। ৫। ১০০ পাউন্ড ওজনের কেক কাটা এবং ৬। বাদ জোহর এলজিইডি মসজিদে কোরআনখানী, দোয়া মাহফিল ও তবারক বিতরণ। | ২০২১ সালের ১৭ মার্চ জাতির পিতার জন্মবার্ষিকীতে আগের বছরের অনুরূপ নিম্নলিখিত কার্যক্রম বাস্তবায়নের সিদ্ধান্ত গৃহীত হয়: ১। ভবন সজ্জা ও আলোক সজ্জা। ২। জাতির পিতা প্রতিকৃতিতে পুষ্পার্ঘ্য অর্পণ। ৩। র্যালী অনুষ্ঠান ৪। ১০১ পাউন্ড ওজনের কেক কাটা ৬। এলজিইডি মসজিদে কোরআনখানী ও দোয়া মাহফিল। | অনুষ্ঠান আয়োজন উপ-কমিটি |

| ক্রঃ নং | বিষয় | আলোচনা | সিদ্ধান্ত | দায়িত্ব |
|------------|---|--|--|------------------------------|
| ২ | নৃত্য, সঙ্গীত, আবৃত্তি, রচনা ও চিত্রাঙ্কন প্রতিযোগিতা। | এলজিইডির কর্মকর্তা-কর্মচারীদের ছেলে-মেয়েদের অংশগ্রহণে জেলা ও বিভাগীয় পর্যায়ে নৃত্য, সঙ্গীত, আবৃত্তি, রচনা ও চিত্রাঙ্কন প্রতিযোগিতার বিষয়ে বিস্তারিত আলোচনা করা হয়। সভায় জানানো হয় যে জেলা ও বিভাগীয় পর্যায়ে নৃত্য, সঙ্গীত ও আবৃত্তি প্রতিযোগিতা ইতোমধ্যে শেষ হয়েছে। আগামী ২৮-০২-২০২১ ইং তারিখের মধ্যে জেলা পর্যায়ে এবং ০৭-০৩-২০২১ ইং তারিখের মধ্যে বিভাগীয় পর্যায়ে রচনা প্রতিযোগিতা সমাপ্ত করার কার্যক্রম চলমান রয়েছে। আগামী ৩১ জুলাই ২০২১ এর মধ্যে মাঠ পর্যায়ে চিত্রাঙ্কন প্রতিযোগিতা সমাপ্তির জন্য নির্ধারিত রয়েছে। | নির্ধারিত সময়ের মধ্যে মাঠপর্যায়ে রচনা ও চিত্রাঙ্কন এবং অন্যান্য প্রতিযোগিতা সম্পন্ন করার বিষয়টি মনিটরিং এর জন্য সদর দপ্তরের অতিরিক্ত প্রধান প্রকৌশলীগণকে বিভাগভিত্তিক দায়িত্ব দেওয়ার সিদ্ধান্ত গৃহীত হয়। | সংযুক্তি ২ এর কর্মকর্তাবৃন্দ |
| ৩ | কেন্দ্রীয় পর্যায়ের নৃত্য, সঙ্গীত, আবৃত্তি, রচনা ও চিত্রাঙ্কনের চূড়ান্ত প্রতিযোগিতা এবং পুরস্কার প্রদান। | বিভাগীয় প্রতিযোগিতায় বিজয়ীদের অংশগ্রহণে কেন্দ্রীয় পর্যায়ে প্রতিযোগিতার আয়োজন ও বিজয়ীদের পুরস্কার বিতরণের বিষয়ে বিস্তারিত আলোচনা করা হয়। আলোচনায় উল্লেখ করা হয় যে, করোনা পরিস্থিতির কারণে কেন্দ্রীয় পর্যায়ে প্রতিযোগিতা আয়োজন সম্ভবপর হয়নি। | বিস্তারিত আলোচনান্তে ১৬ ডিসেম্বর ২০২১ তারিখের পূর্বে কেন্দ্রীয় পর্যায়ের সকল প্রতিযোগিতার আয়োজন সম্পন্ন করে এ বছরের বিজয় দিবসের অনুষ্ঠানে বিজয়ীদের মধ্যে পুরস্কার প্রদান করার সিদ্ধান্ত গৃহীত হয়। | অনুষ্ঠান আয়োজন উপ-কমিটি |
| ৪ | নৃত্য, সঙ্গীত ও আবৃত্তি প্রতিযোগিতার বিজয়ীদের অংশগ্রহণে সাংস্কৃতিক অনুষ্ঠান। | কেন্দ্রীয় পর্যায়ের নৃত্য, সঙ্গীত ও আবৃত্তি প্রতিযোগিতায় বিজয়ী শিল্পীদের অংশগ্রহণে সাংস্কৃতিক অনুষ্ঠান আয়োজনের বিষয়ে বিস্তারিত আলোচনা করা হয়। আলোচনায় জানানো হয় যে, করোনা পরিস্থিতির কারণে কেন্দ্রীয় পর্যায়ের বিজয়ীদের অংশগ্রহণে সাংস্কৃতিক অনুষ্ঠান আয়োজন সম্ভব হয়নি। তবে ১৬ ডিসেম্বর ২০২০ সারাদেশে বিভাগীয় পর্যায়ে বিজয়ী প্রতিযোগীদের পরিবেশনায় ভারুয়াল প্লাটফর্মে সাংস্কৃতিক অনুষ্ঠান আয়োজন করা হয়েছে। | বিস্তারিত আলোচনান্তে এবছর মহান বিজয় দিবসের সাংস্কৃতিক অনুষ্ঠান চূড়ান্ত পর্বের বিজয়ী শিল্পীদের পরিবেশনায় আয়োজন করার সিদ্ধান্ত গৃহীত হয়। | অনুষ্ঠান আয়োজন উপ-কমিটি |
| ৫ | প্রামাণ্য চিত্র নির্মাণ ও জায়ান্ট স্ক্রিনে তা প্রদর্শন, স্লোগান, উন্নয়ন বুলেটিন, ক্রোড়পত্র, স্মরণিকা ও উন্নয়ন স্মারক প্রকাশ | মুজিববর্ষ উপলক্ষে এলজিইডি হতে বিশেষ ক্রোড়পত্র প্রকাশ, সদর দপ্তরে একটি জায়ান্ট স্ক্রীন স্থাপন ও বঙ্গবন্ধুর ওপর নির্মিত ভিডিওচিত্র প্রদর্শন, ইউনিক স্লোগান তৈরি, উন্নয়ন স্মারকপত্র, ক্রোড়পত্র স্মরণিকা প্রকাশ নিয়ে বিস্তারিত আলোচনা করা হয়। আলোচনায় জানানো হয় যে, <ul style="list-style-type: none"> ত্রৈমাসিক ভিত্তিতে প্রকাশিত এলজিইডি নিউজলেটারের প্রতিটি সংখ্যায় বঙ্গবন্ধুর স্মরণে বিশেষ উন্নয়ন বুলেটিন প্রকাশ করা হচ্ছে। “মুজিববর্ষে বিজয় দিবস” নামে একটি ক্রোড়পত্র ১৬ ডিসেম্বর ২০২০ এ প্রকাশিত হয়েছে। জায়ান্টস্ক্রিন স্থাপন করে ভিডিও চিত্র প্রদর্শন করা হচ্ছে। মুজিববর্ষে এলজিইডির ইউনিক স্লোগান- “মুজিববর্ষের অঙ্গীকার, | নির্ধারিত সময়ে উন্নয়ন স্মারক ও স্মরণিকা প্রকাশের জন্য অনুষ্ঠান আয়োজন উপ-কমিটিকে সার্বিক সহযোগিতা প্রদানের জন্য সংশ্লিষ্ট সকলকে অনুরোধ জানানো হয়। | অনুষ্ঠান আয়োজন উপ-কমিটি |

| ক্রঃ নং | বিষয় | আলোচনা | সিদ্ধান্ত | দায়িত্ব |
|------------|--|---|--|--|
| | | সড়ক হবে সংস্কার" বিভিন্ন ব্যানার, ফেস্টুন ও প্রকাশনায় ব্যবহৃত হচ্ছে। • স্মরণিকা ও উন্নয়ন স্মারকপত্র ৩১শে ডিসেম্বর ২০২১ তারিখের মধ্যে প্রকাশিত হবে। | | |
| ৬ | জাতীয় সকল অনুষ্ঠান আয়োজনে মুজিব বর্ষের প্রতিফলন। | কোভিড পরিস্থিতির কারণে অনলাইন প্লাটফর্মে ২০২০ সালের ১৫ আগস্ট জাতীয় শোক দিবস এবং ১৬ ডিসেম্বর বিজয় দিবসের অনুষ্ঠান আয়োজন করা হয়েছিল মর্মে সভায় জানানো হয়। | এবছর কোভিড পরিস্থিতির উন্নতি হচ্ছে বিধায় সরাসরি অনুষ্ঠান আয়োজনের সিদ্ধান্ত গৃহীত হয়। | অনুষ্ঠান আয়োজন উপ-কমিটি |
| ৭ | “আমার গ্রাম- আমার শহর” শীর্ষক রচনা ও চিত্রাঙ্কন প্রতিযোগিতা | সরকারের নির্বাচনী অঙ্গীকার “আমার গ্রাম- আমার শহর” বাস্তবায়নে শিশুর কল্পনাশক্তিকে জাগরুক এবং কাজে লাগানোর জন্য জেলা পর্যায়ের সকল শিক্ষার্থীর পরিবর্তে শুধুমাত্র এলজিইডি'র কর্মকর্তা/কর্মচারীর সন্তানদের অংশগ্রহণে রচনা ও চিত্রাঙ্কন প্রতিযোগিতা আয়োজনের প্রস্তাব করা হয়। জেলা পর্যায়ের বিজয়ীদের অংশগ্রহণে কেন্দ্রীয় পর্যায়ে চূড়ান্ত প্রতিযোগিতা শেষে বিজয়ী নির্বাচন ও পুরস্কার বিতরণ এবং কেন্দ্রীয় পর্যায়ে চূড়ান্তভাবে বিজয়ীদের আঁকা ছবি ও লেখা রচনা স্মরণিকায় প্রকাশের ব্যবস্থা গ্রহণের বিষয়ে বিস্তারিত আলোচনা করা হয়। | আগামী ১৫ আগস্ট ২০২১ তারিখে চূড়ান্ত প্রতিযোগিতা সম্পন্ন এবং ডিসেম্বরে বিজয় দিবসের চূড়ান্ত অনুষ্ঠানে বিজয়ীদের পুরস্কার প্রদানের সিদ্ধান্ত গৃহীত হয়। | অনুষ্ঠান আয়োজন উপ-কমিটি ও সংযুক্তি-২ এর কর্মকর্তাবৃন্দ |
| ৮ | মাসব্যাপী রক্ষণাবেক্ষণ কার্যক্রম | অক্টোবর ২০২০ ও মার্চ ২০২১ মাসকে গ্রামীণ সড়ক সংস্কারের মাস হিসেবে ঘোষণা এবং রক্ষণাবেক্ষণ কার্যক্রম পরিচালনার বিষয়ে বিস্তারিত আলোচনা করা হয়। সভায় জানানো হয় যে, অক্টোবর ২০২০ রক্ষণাবেক্ষণ মাসে বিপুল-উৎসাহ উদ্দীপনায় সারাদেশে রক্ষণাবেক্ষণ কার্যক্রম পরিচালিত হয়েছে। | বিস্তারিত আলোচনান্তে মার্চ ২০২১ অনুরূপ কার্যক্রম আয়োজনের সিদ্ধান্ত গৃহীত হয়। | বাস্তবায়ন উপ- কমিটি, জেলার নির্বাহী প্রকৌশলী ও সংযুক্তি-২ এর কর্মকর্তাবৃন্দ |
| ৯ | প্রণোদনা/সম্মাননা প্রদান। | টেকসই গ্রামীণ অবকাঠামো নির্মাণ, সততা ও দক্ষতার সাথে দায়িত্ব পালনের জন্য এলজিইডি'র বিভিন্ন পর্যায়ে কর্মকর্তা কর্মচারীদের প্রণোদনা/ সম্মাননা প্রদানের বিষয়ে বিস্তারিত আলোচনা করা হয়। সভায় জানানো হয় জাতীয় শুদ্ধাচার পুরস্কারের সাথে সামঞ্জস্য রেখে এলজিইডি'র বিভিন্ন পর্যায়ে কর্মকর্তা/ কর্মচারীদের প্রণোদনা দেয়ার জন্য খসড়া নীতিমালা তৈরী করা হয়েছে। | দ্রুত নীতিমালা অনুমোদন করে সম্মাননা প্রদান করার বিষয়ে সিদ্ধান্ত গৃহীত হয়। | বাস্তবায়ন উপ-কমিটি |
| ১০ | টেকসই ও পরিবেশ বান্ধব সড়ক নির্মাণ | চলমান প্রকল্পসমূহের আওতায় অন্ততঃ ১০০ কিলোমিটার রাস্তা পরিবেশবান্ধব উপায়ে ও পরিবেশ বান্ধব নির্মাণ সামগ্রী (ইউনিরক/ সিসি ব্লক) ব্যবহার করে নির্মাণের বিষয়ে বিস্তারিত আলোচনা করা হয়। সভায় জানানো হয়, গ্রাম সড়ক পুনর্বাসন প্রকল্প হতে ইতোমধ্যে ৬০ কিলোমিটার রাস্তা পরিবেশবান্ধব উপায়ে ও পরিবেশ বান্ধব নির্মাণ | বিস্তারিত আলোচনান্তে মুজিববর্ষের মধ্যে নির্ধারিত ১০০ কিঃমিঃ পরিবেশবান্ধব সড়ক নির্মাণের কাজ সমাপ্ত করার তাগিদ প্রদান করা হয়। | বাস্তবায়ন উপ-কমিটি ও সংযুক্তি-২ এর কর্মকর্তাবৃন্দ |

| ক্রঃ নং | বিষয় | আলোচনা | সিদ্ধান্ত | দায়িত্ব |
|------------|--|---|--|---|
| | | সামগ্রী (ইউনিব্লক/ সিসি ব্লক) ব্যবহার করে নির্মাণের অনুমোদন দেয়া হয়েছে। প্রাথমিকভাবে এ পদ্ধতিতে রাস্তা নির্মাণের লক্ষ্যমাত্রা ৫০০ কিলোমিটার থাকলেও, পরবর্তিতে বাস্তব অবস্থা বিবেচনায় তা ১০০ কিলোমিটার নির্ধারণ করা হয়। ইউনিব্লক ব্যবহারে রাস্তা তৈরি একটি নতুন পদ্ধতি হওয়ায় এলজিইডি সকল প্রকল্পে এ পদ্ধতিতে রাস্তা নির্মাণের সুযোগ অন্তর্ভুক্ত করা নেই। এছাড়া কোভিড পরিস্থিতিতে প্রকল্পসমূহে বরাদ্দের ও নির্মাণ কাজে ব্যবহৃত ইউনিব্লক সরবরাহের অপ্রতুলতার কথা বিবেচনা করে লক্ষ্যমাত্রা কমিয়ে আনা হয়েছে। | | |
| ১১ | পরিকল্পিত গ্রাম উন্নয়ন ও পরিচ্ছন্ন গ্রাম উন্নয়ন মডেল | বর্তমান সরকারের নির্বাচনী ইশতেহার বাস্তবায়নের অংশ হিসেবে দেশের আটটি বিভাগে আধুনিক নাগরিক সুবিধা সম্পন্ন আটটি পাইলট গ্রাম নির্মাণে প্রয়োজনীয় ব্যবস্থাগ্রহণ, পরিচ্ছন্ন গ্রাম-পরিচ্ছন্ন নগর গড়ার লক্ষ্যে, ক) গ্রোথ সেন্টার/হাটবাজার ভিত্তিক বর্জ্য ব্যবস্থাপনা মডেল খ) গৃহস্থালী বর্জ্য ব্যবস্থাপনার জন্য ইউনিয়নভিত্তিক বর্জ্য ব্যবস্থাপনা মডেল এর বিষয়ে বিস্তারিত আলোচনা করা হয়। সভায় জানানো হয়, “আমার গ্রাম আমার শহর” কারিগরি সহায়তা প্রকল্প ফেব্রুয়ারি ২০২১ থেকে কাজ করছে। এ প্রকল্পের মেয়াদ এক বছর। এ প্রকল্পের আওতায় দেশব্যাপী ১৫টি পাইলট গ্রামের ডিপিপি তৈরি করা হবে। | আমার গ্রাম আমার শহর কারিগরি সহায়তা প্রকল্পের মাধ্যমে ১৫টি পাইলট গ্রামের ডিপিপি তৈরীর কাজ ইতিমধ্যে শুরু হয়েছে, তবে সভায় এলজিইডি’র নিজস্ব ব্যবস্থাপনায় অন্তত একটি গ্রামে মুজিববর্ষ সময়কালে পরিকল্পিত গ্রাম উন্নয়ন মডেল বাস্তবায়নের সিদ্ধান্ত গৃহীত হয়। সে লক্ষ্য বাস্তবায়ন উপ-কমিটির মাধ্যমে ১টি গ্রাম অতিসত্বর নির্বাচন করে উল্লিখিত কার্যক্রম বাস্তবায়নের সিদ্ধান্ত নেয়া হয়। | বাস্তবায়ন উপ-কমিটি ও সংশ্লিষ্ট প্রকল্প পরিচালক |
| ১২ | এলজিইডি নির্মিত বিভিন্ন অবকাঠামো মাননীয় প্রধানমন্ত্রী কর্তৃক উদ্বোধনের উদ্যোগ গ্রহণ | মুজিবর্ষে ৬টি সেতুর মধ্যে মাননীয় প্রধানমন্ত্রী কর্তৃক ৪টি সেতুর উদ্বোধন করা হয়েছে। বাকি দুটি সেতু উদ্বোধনের জন্য স্থানীয় সরকার বিভাগ থেকে PMO তে প্রস্তাব প্রেরণ করা হয়েছে মর্মে জানানো হয়। বর্ণিত কাজের অগ্রগতিতে সন্তোষ প্রকাশ করা হয়। | বিস্তারিত আলোচনান্তে অবশিষ্ট ২টি সেতু উদ্বোধনের সকল কার্যক্রম প্রস্তুত রাখার সিদ্ধান্ত গৃহীত হয়। | অনুষ্ঠান আয়োজন উপ-কমিটি ও সংযুক্তি-২ এর কর্মকর্তাবৃন্দ |
| ১৩ | গ্রোথ সেন্টারের মহাপরিকল্পনা প্রণয়ন | সরকারের নির্বাচনী ইশতেহার বাস্তবায়নের অংশ হিসেবে “আমার গ্রাম আমার শহর” শীর্ষক কর্মপরিকল্পনা সামনে রেখে নির্বাচিত ৪টি গ্রোথ সেন্টার/ বাজারের মহাপরিকল্পনা প্রণয়নের বিষয়ে বিস্তারিত আলোচনা করা হয়। | বিশ্বব্যাপক সহায়তাপুষ্টি উল্লিখিত কার্যক্রমটি WECARE প্রকল্পে অন্তর্ভুক্ত ছিল। WECARE প্রকল্পে বর্তমানে পরামর্শক নিয়োগ চলছে। পরামর্শক নিয়োগের পরে অন্যান্য কার্যক্রমের সাথে গ্রোথ সেন্টারের মহাপরিকল্পনা প্রণয়ন শীর্ষক কার্যক্রমটিও বাস্তবায়ন করবে যা, মুজিববর্ষ সময়কালের মধ্যে সম্ভবপর নয়। তাই গ্রোথ সেন্টারের মহাপরিকল্পনা প্রণয়ন শীর্ষক কার্যক্রমটি মুজিববর্ষের কার্যক্রম থেকে স্থগিত করার সিদ্ধান্ত গৃহীত হয়। | |

| ক্রঃ নং | বিষয় | আলোচনা | সিদ্ধান্ত | দায়িত্ব |
|---------|---|--|--|--|
| ১৪ | বঙ্গবন্ধুর স্মৃতি সংরক্ষণ ও পাঠাগার নির্মাণ | সারাদেশে ছড়িয়ে ছিটিয়ে থাকা বঙ্গবন্ধুর স্মৃতিবিজড়িত স্থানসমূহ নির্বাচন ও প্রযোজ্য ক্ষেত্রে সংযোগ সড়কসহ স্মৃতিফলক নির্মাণের উদ্যোগ গ্রহণ এবং এলজিইডির প্রতিটি আঞ্চলিক সদর দপ্তরের জেলাগুলোতে একটি করে বঙ্গবন্ধু পাঠাগার নির্মাণের উদ্যোগ গ্রহণের বিষয়ে বিস্তারিত আলোচনা করা হয়। সভায় জানানো হয় যে, ফরিদপুর জেলার এলজিইডির নির্বাহী প্রকৌশলীর কার্যালয়ে বঙ্গবন্ধু পাঠাগার স্থাপন করা হয়েছে। এছাড়া যশোর জেলার পৌরপার্কে এলজিইডির একটি প্রকল্পের আওতায় বঙ্গবন্ধুর স্মৃতি বিজড়িত স্থান সংরক্ষণ এবং এর সৌন্দর্য্য বর্ধন করা হয়েছে। | প্রত্যেক জেলা থেকে ন্যূনতম সময়ের মধ্যে বঙ্গবন্ধুর স্মৃতিবিজড়িত স্থান চিহ্নিত করে সদর দপ্তরকে অবহিত করা এবং সকল আঞ্চলিক জেলায় বঙ্গবন্ধু পাঠাগার স্থাপনের জন্য তাগিদ দেয়া হয়। বিষয়টি সংযুক্তি-২ এর তালিকা অনুযায়ী অতিরিক্ত প্রধান প্রকৌশলী মনিটরিং করবেন মর্মে সিদ্ধান্ত গৃহীত হয়। | বাস্তবায়ন উপ-কমিটি, সংযুক্তি ২ এর তালিকার কর্মকর্তাবৃন্দ ও সংশ্লিষ্ট জেলার নির্বাহী প্রকৌশলীবৃন্দ |
| ১৫ | বৃক্ষরোপণ | সৌন্দর্য বৃদ্ধি ও পরিবেশ সুরক্ষায় এলজিইডির প্রতিটি দপ্তরের আঙ্গিনায় ১০টি (বনজ, ফলজ ও ঔষধি) বৃক্ষরোপণের উদ্যোগ এর বিষয়ে বিস্তারিত আলোচনা করা হয়। | কোভিডের কারণে বৃক্ষরোপণ বাধাগ্রস্ত হলেও এ বছর বর্ষায় বৃক্ষরোপণ সম্পন্ন করার জন্য তাগিদ দেয়া হয়। | বাস্তবায়ন উপ-কমিটি, সংযুক্তি ২ এর কর্মকর্তাবৃন্দ ও সকল জেলার নির্বাহী প্রকৌশলী। |
| ১৬ | ইজিপি বিষয়ক কার্যাবলী | ই-জিপিতে আরও উৎকর্ষ সাধনের জন্য ইজিপি ভিত্তিক চুক্তি ব্যবস্থাপনার পাইলট কর্মসূচি গ্রহণ ও পরে সম্প্রসারণ এবং এলজিইডি কর্তৃক পরিচালিত বিশ্বব্যাংক অর্থায়নে স্থানীয় সরকার প্রতিষ্ঠানসমূহে ই-জিপি প্রশিক্ষণ কর্মসূচির বিষয়ে বিস্তারিত আলোচনা করা হয়। আলোচনায় জানানো হয়। <ul style="list-style-type: none"> ভার্চুয়াল প্লাটফর্মে ১০ টি ব্যাচে ইজিপির TOI সম্পন্ন হয়েছে। ভার্চুয়াল প্লাটফর্মে PPR-২০০৮ এর প্রশিক্ষণ ৫০ টির মধ্যে ৩৫ টি ব্যাচ সম্পন্ন হয়েছে। ইজিপি ভিত্তিক চুক্তি ব্যবস্থাপনার পাইলট কর্মসূচির আওতায় ইতোমধ্যে ৩টি চুক্তিকে ECMS এর আওতায় আনা হয়েছে। | মুজিববর্ষের মধ্যে এ সকল কার্যক্রম সমাপ্ত করার বিষয়ে জোর তাগিদ দেওয়া হয়। | আইসিটি উপ-কমিটি |
| ১৭ | আইসিটি বিষয়ক কার্যক্রম | আইসিটি সুবিধা ব্যবহার করে প্রাতিষ্ঠানিক উন্নয়ন, দাপ্তরিক গতিশীলতা বৃদ্ধি, দক্ষতা উন্নয়ন ও জবাবদিহিতা বৃদ্ধির মাধ্যমে অধিকতর মান সম্মত সেবা প্রদানের উদ্যোগ গ্রহণের বিষয়ে বিস্তারিত আলোচনা করা হয়। আলোচনায় জানানো হয়। <ul style="list-style-type: none"> PMIS অ্যাপ্লিকেশনটি সম্পূর্ণভাবে বাস্তবায়িত হয়েছে। এলজিইডির সকল স্তরের কর্মকর্তাদের বদলী পদায়ন এর মাধ্যমে সম্পন্ন হচ্ছে। E-PMS অ্যাপ্লিকেশনটির প্রশিক্ষণ ইতিমধ্যে শেষ হয়েছে। প্রকল্প পর্যায়ে ডাটা-এন্ট্রির কাজ চলমান আছে। প্রকল্প পর্যায়ে ডাটা-এন্ট্রির কাজ সম্পূর্ণরূপে শেষ হলে মাঠ পর্যায়ে অ্যাপ্লিকেশনটি ব্যবহার উপযোগী হবে। IDIS অ্যাপ্লিকেশনটির বাস্তবায়ন E-PMS | বিস্তারিত আলোচনান্তে এলজিইডি সদর দপ্তরে ই-নথি কার্যক্রম বৃদ্ধির লক্ষে আগামী ৭ (সাত) দিনের মধ্যে সদর দপ্তরের সকল ইউনিট ও প্রকল্পে শতভাগ নথি, ই-নথির মাধ্যমে বাস্তবায়নের সিদ্ধান্ত গৃহীত হয়। এ বিষয়ে একটি তাগিদপত্র প্রশাসন ইউনিটের মাধ্যমে জারী করার সিদ্ধান্ত গৃহীত হয়। | আইসিটি উপ-কমিটি ও তত্ত্বাবধায়ক প্রকৌশলী (প্রশাসন) |

| ক্রঃ নং | বিষয় | আলোচনা | সিদ্ধান্ত | দায়িত্ব |
|------------|--|---|--|--|
| | | <p>অ্যাপ্লিকেশনটির সাথে সম্পর্কিত। E-PMS সম্পূর্ণরূপে বাস্তবায়িত হলে IDIS এর বাস্তবায়নের কাজ শুরু হবে।</p> <ul style="list-style-type: none"> ই-নথির কার্যক্রম বৃদ্ধি করা হয়েছে। অধিকতর নথি, ই-নথির মাধ্যমে নিষ্পত্তি করা হয়েছে। কোভিড পরিস্থিতিতে ভার্চুয়াল সভা আহবান করার জন্য একটি অ্যাপ্লিকেশন তৈরি করা হয়েছে। | | |
| ১৮ | জলবায়ু সহিষ্ণু অবকাঠামো প্রাতিষ্ঠানিকীকরণ | <p>এলজিইডির সহযোগিতায় একটি স্বতন্ত্র জলবায়ু সহিষ্ণু অবকাঠামো প্রাতিষ্ঠানিকীকরণ গঠনের প্রয়োজনীয় উদ্যোগ গ্রহণের বিষয়ে বিস্তারিত আলোচনা করা হয়। আলোচনায় জানানো হয়, এলজিইডিতে জলবায়ু সহিষ্ণু অবকাঠামো প্রাতিষ্ঠানিকীকরণের লক্ষ্যে ক্লাইমেট রেজিলিয়েন্ট ইনফ্রাস্ট্রাকচার মেইনস্ট্রিমিং প্রকল্পের (CRIM) সহায়তায় ক্লাইমেট রেজিলিয়েন্ট লোকাল ইনফ্রাস্ট্রাকচার সেন্টার (CRELIC) প্রতিষ্ঠা করা হয়েছে। এলজিইডি'র সাংগঠনিক কাঠামোতে এটি অন্তর্ভুক্ত করার কার্যক্রম চলমান আছে। এর আওতায় জলবায়ু পরিবর্তন সংক্রান্ত বিভিন্ন জাতীয় ও আন্তর্জাতিক প্রতিষ্ঠানের সাথে সমঝোতা স্মারক স্বাক্ষরের ভিত্তিতে নলেজ শেয়ারিং করা হবে এবং সে মোতাবেক এলজিইডি'র মাধ্যমে বাস্তবায়িত বিভিন্ন অবকাঠামোর ডিজাইনে পরিবর্তন এনে জলবায়ু সহিষ্ণু করা হবে।</p> | বিস্তারিত আলোচনান্তে CRELIC এর কার্যক্রম নির্ধারিত সময়ের মধ্যে সঠিকভাবে সমাপ্ত করার তাগিত দেওয়া হয়। | আইসিটি উপ-কমিটি, পরিচালক, CRELIC PD, CRIM. |

(মোঃ আহসান হাবিব)

অতিরিক্ত প্রধান প্রকৌশলী
(আইসিটি, প্রকিউরমেন্ট)

ও

সভাপতি

এলজিইডি বঙ্গবন্ধু'র জন্মশতবার্ষিকী উদযাপন প্রস্তুতি
কমিটি

বিতরণ (সদয় জ্ঞাতার্থে ও কার্যার্থে):

- ১) সভাপতি এবং সদস্য (সকল), এলজিইডি'তে বঙ্গবন্ধু'র জন্মশতবার্ষিকী উদযাপন প্রস্তুতি কমিটি।
- ২) অতিরিক্ত প্রধান প্রকৌশলী-----, এলজিইডি, সদর দপ্তর, ঢাকা।
- ৩) অতিরিক্ত প্রধান প্রকৌশলী(সকল)-----, এলজিইডি, সদর দপ্তর, ঢাকা।
- ৪) তত্ত্বাবধায়ক প্রকৌশলী (সকল) -----, এলজিইডি, সদর দপ্তর, ঢাকা।
- ৫) নির্বাহী প্রকৌশলী(সকল), এলজিইডি, জেলা: -----।
- ৬) উপজেলা প্রকৌশলী, এলজিইডি, উপজেলা:-----, জেলা: -----।